

Sakspapir

Saksbehandler	Arkiv	ArkivsakID
Magne Verpelstad	FE-145	20/393

Saksnr	Utvalg	Type	Dato
063/2020	Kommunestyret	PS	10.12.2020

Økonomireglement for Modalen kommune

Forslag til vedtak:

Vedlagte framlegg til økonomireglement for Modalen kommune vert vedteke slik det ligg føre.

Saksopplysningar:

Bakgrunn

Kommunelova § 14-2 gjer greie for kommunestyret sine plikter. Alle kommunar skal ha reglar for økonomiforvaltninga (økonomireglement) – og ha reglar for finans- og gjeldsforvaltning (finansreglement).

Eit økonomireglement vil utfylle økonomibestemmelsane i kommunelova/forskriftene, og kan tilpassast behova i kvar einskild kommune. Sentrale tema i eit økonomireglement vil til dømes vere interne reglar som bidrar til god økonomistyring og måloppnåing, forsvarleg og effektiv økonomiforvaltning, at reglane vert fylgt og gjev eit godt grunnlag for politikarane. Frå 2020 er alle kommunar pålagt å ha et økonomireglement, men kommunelova foreslår ikkje nærmare krav til økonomireglementet sitt innhald eller form.

Kommunestyret skal sjølv vedta reglane for økonomiforvaltninga (økonomireglement) etter kommunelova § 14-2 bokstav d) og reglar for finans- og gjeldsforvaltninga (finansreglement) etter kommunelova § 14-2 bokstav e).

Vurdering

Det vert vist til vedlagte framlegg til økonomireglement.

Reglementet er eit fyrste utkast til vedtak, og vil utfyllast med fleire område/kapittel etter kvart.

Når det gjeld finansreglement som omfattar reglar for plassering av likvide midlar og forvaltning av

lånegjeld, er det eige reglement knytt til dette. Finansreglementet sist endra i juni 2017 skal rullerast. Det skal fyrst vurderast og kvalitetssikrast av uavhengig instans, truleg Vestlandsrevisjon IKS, og så vert det lagt fram for kommunestyret til vedtak.

Konklusjon

Vedlagte framlegg til økonomireglement for Modalen kommune vert vedteke slik det ligg føre.

Kommunestyret - 063/2020

KS - behandling:

Økonomisjef Magne Verpelstad orienterte kort om nytt økonomireglement.

Linda Neset spurde om forventningar til handlingsrom i åra framover. Verpelstad viste til at dette omhandlar kor mykje ein er villig til å ta ned av kostnader på drifta. Prognosane tilseier at det i åra framover er venta reduksjon i inntekter, hovudsakleg gjeld dette eigedomsskatt på kraftanlegg. Samrøystes vedteke

KS - vedtak:

Vedlagte framlegg til økonomireglement for Modalen kommune vert vedteke slik det ligg føre.

Vedlegg:

Økonomireglement Modalen kommune 2020 - framlegg